

len: hierzu seynd auch die blawen Stein auß dem gesalkenen Meer / dieselben gestossen / vnd mit ein wenig Saffran vnd Hönig abgetriben / das Aug darmit bestrichen. So ist auch hierzue dienlich / wilder Ruben-Samm / vnnnd auch das Kraut klein geschnitten / vnd in das Aug gesträhet.

### Wann die Augen beschwärt seyn von Feuchtigkeiten / so wegen starcken reibens darrein gesuncken.

**L**äß ihme drey Finger ober das Aug / nahe bey der Mähn / ein spizig heißes Eisen halten / vnd ein wenig neues Wachs von dem Eisen darein trieffen / darnach machet ein Pulver von gebranten Eyer-Schalen / durch ein Syb getriben / vnnnd dem Pferd in das trübe Aug geblasen. So brauchet man auch lablechtes gesalkenes Wasser / vnd sprizet es ins Aug. Item nüchtern gefewtes Sals ins Aug geworffen / vnd wann ein Haut ober das halbe Aug wäre / könte man sie fein leis wegschneiden / vnd fünff Tag nacheinander Sals darauff legen / vnd es hernach mit warmem Wasser abwaschen.

### Die Blödigkeit der Augen zuvertreiben / vnd die Fell oder den Star wegzunehmen.

**N**emet Balsam / Myrhen / Weyrauch / Wein-Rutten / Spickanarden / fünff Loth weissen Pfeffer / vier Loth Hönig / durcheinander vermischet / vnd darmit gesalbet. Oder Pulver von Fischgräden ins Aug gesträhet. So ist auch der Saamen von gelben Ruben mit Hönig vermischet gar dienlich. Item gedistillirter Balsam / Gewürk-Nägel / vnd Pfeffer / jedes vier Loth / das Marck auß Schaff-Füssen / vnnnd ein Loth Beigel-Öel / dieses alles mit einem Eyr-Dotter vermischet vnd abgetriben / vnnnd darmit bestrichen / das wird gute Wäreckung thun. Oder nemmet Aschen von gebrantem alten Leder / vnd werffet ihn ins Aug.

### Wann es Fell ober die Augen hette.

**N**emet Laben weissen Wein / waschet ihme die Augen damit / bestreichet sie inwendig mit Saffe von Wintergrün: Dann nemmet Wein-Stein / dürre Bein / Eyr-Schalen / Zucker-Candel / machet auß diesem allem ein Pulver / vnd blaset es durch ein Röhrlein / oder Feder-Rühl ins Aug.

### Wider den Star.

**N**emet ein / oder zween Raken / lasset sie in Rosen-Öel sieden: Wann die Raken